

Վ. Ա. ԲԱՏՐԱՆՈՒԹՅԱՆ, Հայ-բողական հարաբերությունները Օսմանյան կայսրությունում, Խրեան, Հայաստան հրատարակություն, 1989, 358 էջ:

Չնայած հայ-քրդական փոխհարաբերությունները մշտապես գտնվել են հայ պատմաբանների, քաղաքական և մշակութային գործիչների ուշադրության կենտրոնում, այնուհանդերձ, առ այսօր այդ խնդրին վերաբերող բազմաթիվ հարցեր մնում են չլուսարանված: Ավելին, խորհրդային պատմադիտության սկզբունքները թույլ չեն տվել երկու ժողովուրդների առնչությունների պատմությունը վերհանել ամբողջ խորությամբ, որը խոչընդոտել է պատմական բազմաթիվ փաստերի օբյեկտիվ լուսարանմանը, նպաստել առանձին, այսպես կոչված, «ոչ լուսավոր» դրվագների անտեսմանը:

Վ. Բայրուրդյանն առաջինն է, որն այս հարցը դարձրել է առանձին ուսումնասիրության առարկա՝ նրա աշխատանքը ընդգրկում է XIX դարը և XX դ. սկիզբը, որը և հիմնավորված է հիմնահարցի ամբողջականությամբ: Երկու ժողովուրդների հարաբերությունների ամենասերտ և ամենաբուռն ժամանակաշրջանը տեղադրվում է պատմական այս փուլում, ուստի և նրա ընտրությունը բնավ էլ պատահական չէ:

Վ. Բայրուրդյանի աշխատությունը գրված է ակադեմիական լուրջ մոտեցումով, աղբյուրագիտական լայն հենքի վրա, ուր շրջանառության մեջ են դրվել նաև հրապարակի վրա հղած բազմալեզու համարյա ողջ գրականությունը և արխիվային նյութերը: Այն բաղկացած է առաջաբանից, վեց գլուխներից, վերջաբանից, ծանոթագրություններից և համառոտագրությունների ու օգտագործված գրականության (501 անուն) ցանկերից:

Հայ-քրդական լայնակի փոխհարաբերությունները հիմնականում սկիզբ են առնում XVI դ. սկզբից: Հայտնի է, որ 1514 թ. տեղի ունեցած Չալդերանի ճակատամարտից հետո թուրքերը պարսիկների դեմ պատվար ստեղծելու համար սկսեցին Արևմտյան Հայաստանի քրդացման քաղաքականությունը: XVI դ. առաջին կեսը՝ քրդերի զանգվածային ներթափանցման սկիզբը, միևնույն ժամանակ մեր ժողովրդի տառապանքների և անլուր զրկանքների մի նոր փուլի սկիզբը դարձավ, որը ի վերջո հանգեցրեց մեր հայրենիքի հսկայական մի հատվածի կորստին: XVI դ. սկսած Օսմանյան տիրապետության ներքո հայ և քուրդ ժողովուրդները կողք-կողքի ապրեցին շուրջ հինգ դար: Այդ ժամանակաշրջանը, ինչպես նշում է հեղինակը իր գրքի առաջարանում, երկու ժողովուրդների պատմության ամենամոռյալ և դժնդակ ժամանակահատվածներից է՝ հզի ուղղափառական ողբերգական իրադարձություններով: Անկասկած, հեղինակը իրավացի է: Եթիշտ է, Օսմանյան կայսրությունը իր ողջ գոյության ընթացքում իսկապես հեղել է միջնադարի ուղղափառական ամենադաժան տիրակալություններից մեկը, սակայն, հանրահայտ է, որ բոլոր ժողովուրդները չէ, որ հավասարապես ենթարկվել են նույն հալածանքներին: Ամենևին չի կարելի հավասարության նշան դնել հայերի և քրդերի միջև, մի բան, որը, հիշելով, հեղինակը հետևողականորեն ցույց է տվել իր գրքում: Քրդերը Օսմանյան կայսրությունում միշտ էլ օգտվել են հատուկ արտոնություններից, և ոչ միայն առանձնակի ազգային ճնշման չեն ենթարկվել, այլև, ընդհակառակը, իրենք են գլխավորապես ծառայել որպես զենք ուրիշ ժողովուրդներին, հիմնականում հայերին: Ճնշելու և ոչնչացնելու գործում, ինչը նրանք դարձյալ ցույց տվեցին XIX դ. վերջի և XX դ. սկզբի հայկական կոտորածների ժամանակ:

Աշխատության առաջին գլուխը հեղինակը նվիրել է հայ-քրդական հարաբերությունների սոցիալ-քաղաքական և տնտեսական գործոններին: Սկսելով միջնադարից, նա իրավացիորեն ցույց է տվել, որ քրդական տարրը վաղ շրջանում բուն հայկական լեռնաշխարհում գոյություն չի ունեցել, սակայն ավելացնում է, որ բացառված չէ, որ XVII դարում, արաբական արշավանքների շրջանում, արաբների նոր կրոնը՝ մահմեդականությունը ընդունած քրդական առաջին ցեղերը, արշավող բանակների հետ մուտք գործած լինեն Արևմտյան Հայաստան, հաստատվելով նրա հարավային շրջաններում (էջ 8): Այս կապակցությամբ հարկ է նշել, որ արաբական արշավանքների սկզբին՝ VII դ. 30—40-ական թվականներին, քրդերը դեռևս մահմեդականություն չէին ընդունել: Քրդերի շրջանում իսլամի տարածման գործընթացը, դատելով հղած աղբյուրների տվյալներով, սկիզբ է առել IX դ., իսկ մուսուլմանության դանդաղ-

մածային ընդունումը տեղի է ունեցել X—XI դդ.¹ Ինչ վերաբերում է քրդերի ներթափանցմանը Հայաստանի հարավային որոշ շրջաններ, ապա դա տեղի է ունեցել ավելի ուշ՝ X դ. երկրորդ կեսից, և կրել է մասնակի բնույթ, ինչը ցույց են տալիս ոչ միայն աղբյուրները, այլև լեզվաբանական տվյալները²։ Քրդական ցեղերի տեղաշարժերը միջնադարում և հայկական նշված շրջաններում մուտք գործելը ունեին բացի քաղաքականից, նաև սոցիալ-տնտեսական դրդապատճառներ։ Հյուսիսային Միջագետքի տարածքներից նրանց երթը դեպի Հայաստանի հարավային նահանգները այս կամ այն չափով խորացավ, ինչպես ճիշտ նշում է հեգինակը, «սելջուկ-մոնղոլական արշավանքների ժամանակաշրջանում (էջ 8), որը, սակայն, դարձյալ չէր կրում զանգվածային բնույթ»։

Անուհեան, անդրադառնալով թուրք-իրանական ռազմաքաղաքական ընդհարումներին, հեգինակը առավել ուշադրություն է հատկացրել 1514 թ. Չալդերանի ճակատամարտին և դրան հաջորդող ժամանակաշրջանի իրադարձություններին։ Նա մասնավորապես պատմում է այն մասին, թե ինչպես թուրքերը և Սեֆյան Իրանը ձգտում էին իրենց կողմը գրավել քրդերին։ Սակայն չորհրդի նկատմամբ պարսիկների քաղաքականությունը արմատապես տարբերվում էր թուրքերի քաղաքականությունից։ Ինչպես ժամանակին նշել է Ն. Ադոնցը, «Պարսիկները՝ Հայաստանի համար պայքարում հաջողության հասնելով, հեռացնում էին քուրդ բեյերին։ Թուրք սուլթանները, սակայն, վարում էին հակառակ քաղաքականություն... նրանք հողեր էին տրամադրում քուրդ առաջնորդներին՝ պարսիկների դեմ պատվար ստեղծելու նպատակով»³։

Նույն զրխում հեգինակը հանգամանորեն կանգ է առել նաև XVI—XVIII դդ. թուրք-իրանական պատերազմների, դրանց հետևանքների, օսմանյան թուրքերի դաժան քաղաքականության, տնտեսական, քաղաքական՝ ճղնժամների և հայ-քրդական առնչություններին վերաբերող հարակից այլ հարցերի վրա։ Նա մասնավորապես ընդգծել է Արևմտյան Հայաստանի հայ գյուղացիության ծանր վիճակը՝ կապված հիմնականում քրդերի կեղծումների, հալածանքների, գերեվարումների և հայկական հողերի բռնագրավման հետ։ Այդ ամենի հետևանքով XVI դ. սկիզբ առավ արևմտահայության արտագաղթի նոր, թերևս աննախընթաց մի ալիք, որը շարունակվեց ընդհուպ մինչև XX դ. սկզբի հայտնի ողբերգական իրադարձությունները։ Հայերի արտագաղթը բարենպաստ հնարավորություն ստեղծեց այդ շրջաններում չորհրդական տարրի հաստատման համար։ Առաջին զրխում վ. Բայրուրդյանը խոսում է նաև քրդական տոհմաճեղային կառուցվածքի և քրդերի դավանանքի մասին։ Նշենք, որ, ինչպես այս գրքում, այնպես էլ բնագրապես գրքում չափազանցված է մահմեդականության դերը քրդերի սոցիալ-դաշնային կյանքում։ Դավանական գործոնը, ինչ խոսք, բավական դեր է խաղացել աղգամիջյան խլրտումների առաջացման, ժողովուրդներին միմյանց դեմ հրահրելու բնագավառում, ևակայն իսլամը՝ առանձին վերցրած որպես դավանանք, կրոն միշտ էլ եղել է երկրորդական երևույթ. առաջնայինը էթնիկական դործոնն է։ Բավական է նշել, որ իսլամի տարածողները՝ արաբները, թեկուզ մուսուլմանական ֆունդամենտալիզմի կենտրոններից մեկը՝ Իրանը երբեք կրոնը որպես զենք չեն օգտագործել քրիստոնյա ժողովուրդներին ալլակրոնության համար հալածելու նպատակով։ Մուսուլմանության ապամարդկայնացված ձևը կարելի է գտնել միայն թուրքական էթնիկական միջավայրում։ Իմիջիայլոց նշենք, որ վերջին ժամանակներում տարածված է այն դրույթը, որ քրդերի հետամնացության և ազգային համախմբման բացակայության հիմնական պատճառը իբր մահմեդական կրոնն է։ Անշուշտ, և միանգամայն անընդունելի և ոչ գիտական տեսություն է. իսլամը երբեք չի խոչընդոտել թե՛ գիտության և թե՛ մշակույթի ու գրականության զարգացմանը, ընդհակառակը՝ միշտ էլ նպաստել է դրան, ինչի վկայությունն են մահմեդական Արևելքի մեզ հասած հոգևոր և նյութական մշակույթի հուշարձանները, մուսուլմանական գիտությունն ու արվեստը։

¹ Տե՛ս Ա. Ս. Поладян, Курды в VII—X веках по арабским источникам. Ереван, 1987, с. 73.

² Տե՛ս Գ. Ս. Асатрян, О ранних арменизмах в курдском (Պատմա-բանասիրական հանգես, 1986, № 2, էջ 168—175)։

³ Մանգամասն տե՛ս N. Adoncz, Kurdish Inirusion into Armenia (The New Armenia, vol. XIV, 1922, № 1, Jan.—Fev., p. 5)։ Հմտ. նաև նույն հոգվածի հայերեն թարգմանությունը՝ Ն. Ադոնց, Քրդերի ներթափանցումը Հայաստան (Երեկոյան երևան, 20. III. 1990)։

Աշխատության երկրորդ գլխում (աՄԻՄ դ. առաջին կեսի քրդական շարժումները և հայ-քրդական հարաբերությունները) Օսմանյան կայսրության պատմության ընդհանուր հենքի վրա հեղինակը արժարժել է բազմաթիվ հարցեր, որոնք սերտորեն փոխկապակցված են և միմյանց տրամաբանական շարունակություն են կազմում: Օսմանյան կայսրության ռազմա-քաղաքական, սոցիալ-տնտեսական վայրկիւններում մեջ Վ. Բալուրդյանին լավագույնս հաջողվել է տալ հայ-քրդական առնչությունների համապարփակ պատկերը:

Հեղինակը հանգամանորեն խոսում է XIX դ. սկզբների ոռոգ-թուրքական, թուրք-իրանական պատերազմների, հակամարտությունների, XIX դ. 20—40-ական թվականների քրդական հուլումների, հայ-քրդական հակաթուրքական ելույթների և այլ խնդիրների մասին: Ապա նա առանձնակի ցույց է տալիս քրդական ավազանու և դերբեթությունների գործունեությունը Արևմտյան Հայաստանում: Նա ընդգծում է, որ «թուրք դերբեթների լուծը արևմտահայերի համար հանդիսանում էր ոչ միայն անմիջական լուծ, այլև տնտեսական և ֆիզիկական գերության, ոչ մի օրենքով չսահմանափակվող կամայական ու քամահաճ մի բռնություն» (էջ 83): Բացի այդ, Վ. Բալուրդյանը վերլուծում է թանգիմաթի ծրագիրը, անդրադառնում քուրդ ավատատերերի կամայականություններին, հակաթուրքական զանազան ելույթներին, դերբեթությունների վերացման և այլ խնդիրներին:

Մենագրության երրորդ գլխում (աԹանգիմաթի երկրորդ շրջանը և հայ-քրդական հարաբերությունների նոր փուլը) մանրամասն վերլուծվում են հայ-քրդական փոխհարաբերությունները 1853 թ. Ղրիմի պատերազմի ընթացքում և դրանից հետո ընկած ժամանակաշրջանում: Վ. Բալուրդյանը միանգամայն ճիշտ է նկատել, որ Նզդանշիրի շարժումից և Ղրիմի պատերազմից հետո Օսմանյան կայսրությունը կտրուկ փոխեց իր քաղաքականությունը քրդերի նկատմամբ: Բ. դրան հրահանգով կայսրության ղեկավար շրջանները բոլոր միջոցներով սկսեցին սիրաշահել քրդերին, քրդական ավազանուն տվեցին լայն հնարավորություն և մեծ արտոնություններ: Կենտրոնի թողուլությամբ հայերի դեմ ուղղվեցին քրդական խրտուսներն ու հուլումները, շարունակվեց հայերին պատկանող հողերի բռնագրավումը, թուրքական զենքի միջոցով ամենուրեք սկսվեցին անխնա կողոպուտները, առևանգումները և այլն: Սուլթանական կառավարության այդ նենգ քաղաքականությանը դիմագրավելու միակ միջոցը, ըստ հեղինակի, արևմտահայությունը տեսնում էր սեփական ուժին ապավինելու և զինված պայքարի ելնելու մեջ:

XIX դ. 50—60-ական թվականներին ողջ կայսրությունում սկսված հակասուլթանական ազգային-ազատագրական շարժման ալիքը ընդգրկեց նաև Արևմտյան Հայաստանը: Այդ կապակցությամբ Վ. Բալուրդյանը խոսում է արևմտահայության նկատմամբ օսմանյան կառավարության վարած քաղաքականության, 1863 թ. Հայոց Ազգային սահմանադրության, 1867 թ. Վիլայեթների վարչության մասին օրենքի, Արևմտյան Հայաստանի ծանր կացության, 60—70-ական թվականներին անախընթաց վերելքի հասնող քրդերի ավարառությունների, գերեվարումների և զանազան այլ հարցերի մասին:

1870-ական թվականների սկզբին Օսմանյան կայսրությունում «նոր օսմաններ» շրջանում ծայր առավ տնտեսական սուր ճգնաժամ: Թանգիմաթի ոչ լիարժեք բարենորոգումները չհաջողարեցին կայսրության կիսաավատական և որոշ նահանգներում ավատական կարգերը, ճանապարհ չհաղթեցին երկրի արտադրողական ուժերի զարգացման համար:

Տնտեսական փլուզումը առաջադրեց քաղաքական նոր ճգնաժամ, ներքին ներկառակություններ, խորը հակասություններ և հակամարտություններ: Այդ ամենն իր կնիքը դրեց նաև հայ-քրդական հարաբերությունների վրա, որոնք լուսաբանվում են աշխատության շրջափուլում (աՀայ-քրդական հարաբերությունները 1877—1878 թթ. ոռոգ-թուրքական պատերազմի և շեյխ Օրեյդուլլայի շարժման ժամանակ): Այս և հաջորդ հինգերորդ, գլխի ժամանակագրական շրջանները ընդգրկում են հիմնականում սուլթան Աբդուլ Համիդ II-ի տիրապետության շրջանը, որն ամբողջությամբ վերցրած հայ-քրդական հարաբերություններին խիստ լարված, արյունալի և ողբերգական հետևանքներ ունեցող ժամանակաշրջան է:

XIX դ. վերջերից հայ-քրդական հարաբերությունները թեկնածուների զարգացման նոր փուլ: Այս շրջանում է, որ ընդդեմ կարմիր սուլթանի «զուլումի» վարչակարգի ուժեղ թափով ծավալվեցին հայկական ազգային-ազատագրական շարժումները, որոնք ճնշելու և արյան մեջ խեղդելու համար կառավարությունը կրկին դիմեց իր զինանոցի պահեստային ուժերին՝ բերդերին: Այս և այլ բազմաթիվ խնդիրներն են քննարկվում աշխատության հինգերորդ գլխում (աՀայ ազատագրական շարժման նոր փուլը և հայ-քրդական հարաբերությունները XIX դ. վերջին և XX դ. սկզբին): Հեղինակը հանգամանորեն անդրադառնում է հայ ժողովրդի

հերոսական պայքարին, հայկական կաղամկերպությունների և կուսակցությունների գործունեությանը, արևմտահայության ծանր վիճակին, Արզուկ Համիդի ազգահալած քաղաքականությանը, նա մասնավորապես կանգ է առնում «Համիդի» զնդերի շարագործությունների, XIX դ. 90-ական թվականների հայկական կոտորածների, միսիոներների գործունեության, բրդերի վիճակի և այլ հարցերի վրա:

Այսատության վերջին գլխում («Հայ-քրդական հարաբերությունները երիտթուրքերի և իթթիլաֆականների տիրապետության շրջանում») Վ. Բայբուրդյանը հանգամանորեն անդրադառնում է հայ-քրդական հարաբերություններին՝ երիտթուրքերի շրջանում, նա հակիրճ խոսում է 1908 թ. հեղաշրջումից հետո իշխանության գլուխ անցած երիտթուրքերի քաղաքականության, թուրք ազգայնականների գործունեության, քրդերի խլրտումների, երիտթուրքերի կատարած վարչական փոփոխությունների, հայ-քրդական թշնամանքը հրահրելու ուղղությամբ իրիտթուրքերի միջոցառումների, տներությունների դիվանագիտության, քրդական շարժումների և այլ խնդիրների մասին: Սույն գլխում հայ-քրդական հարաբերությունները ներկայացվում են մինչև 1914 թ.՝ առաջին համաշխարհային պատերազմի սկիզբը:

Այսատության վերջաբանում Վ. Բայբուրդյանը ընդհանուր գծերով ներկայացնում է 1915 թ. հայ ժողովրդի մեծ ցեղասպանությունը, բնութագրում թուրքական քաղաքականությունը և Թուրքիայի դիրքորոշումը Հայկական և Քրդական հարցերում, լուղանի կոնֆերանսը, Թուրքիայի դաժան քաղաքականությունը ազգային փոքրամասնությունների նկատմամբ, քրդերի վիճակը արդի Թուրքիայում և այլն:

Այսպիսով, Վ. Բայբուրդյանի «Հայ-քրդական հարաբերությունները Օսմանյան կայսրությունում մենագրությունը գիտական լուրջ աշխատանք է, որի կողքով անտարբեր չեն անցնի հայագիտական և քրդագիտական հիմնախնդիրներով զբաղվող մասնագետները: Հայ-քրդական հարաբերությունների գիտական օբյեկտիվ քննությունը և նորովի լուսաբանումը լիովին հաջողվել է հեղինակին: Այնուամենայնիվ, բացի վերևում նշված որոշ նկատառումներից, կուղենայինք հայտնել ևս մի քանի ցանկություններ, որոնք, մեր կարծիքով, ամենևին չեն նսեմացնում գրքի գիտական արժանիքը: Նախ ասենք, որ նման աշխատությունը ցանկալի էր տեսնել անունների և առարկայական ցանկերով: Մենագրությունը բավական ծանրաբեռնված է երկար ու կարճ մեջբերումներով: Դրանք, անկասկած, շատ հետաքրքիր են և անհրաժեշտ, բայց շարադրանքը բեռնաթափելու համար մի մասը կարելի էր տեղափոխել ծանոթագրությունների բաժին: Բացի այդ, քիչ են ծանոթագրությունները, թեպետ եղածները խիստ հետաքրքիր են: Օրինակ, չափազանց հաջող է ճ-րդ ծանոթագրությունը՝ Դերսիմի և այնտեղ ապրող ժողովրդի՝ զազանների մասին: Վ. Բայբուրդյանը իրավացիորեն նշում է, որ զազաններին երբեք չպետք է շփոթել որպես քրդերի մի մաս (էջ 334—335): Դրանք իսկապես առանձին ժողովուրդ են՝ իրենց յուրահատուկ դավանանքով, լեզվով, սովորություններով և ազգային դիմագծով⁴:

Գիտական ծանրակշիռ այս ուսումնասիրությունը ընդամենը հիմնականում գրված է եղել, այսպես կոչված, «լեզվաբան» ժամանակաշրջանում, սակայն, ի պատիվ հեղինակի, միանգամայն գերծ է ժողովուրդների փոխհարաբերություններին նվիրված այդ շրջանում գրված աշխատություններին հատուկ քաղցր-մեղմ տոնայնությունից: Գուցե այդ է պատճառը, որ այս գիրքը բավական ուշացումով ներկայացվեց գիտական հասարակայնությանը: Նրա ուսուցիչ հրատարակությունը, կարծում ենք, խիստ անհրաժեշտ է և հրատապ:

Գ. Ս. ԱՍԱՏՐՅԱՆ

Բանասիրական գիտությունների թեկնածու

Ա. Պ. ՓՈԼԱԴՅԱՆ

Պատմական գիտությունների թեկնածու

⁴ Այդ մասին մանրամասն տե՛ս Գ. Ս. Ասատրյան, Հայ գիտաքաղաքական մտքի էջերից (Երեկոյան Երևան, 20. III. 1990):